

西湖志卷之三十七

藝文七

詩 七言律

靈鷲觀燈

明 貝瓊

天樂風傳應壑雷鷲峰春色似蓬萊一天象緯迎秋轉
十月龍宮徹夜開西國老僧依樹坐上方仙女散花來
夜深借榻山房宿更欲題詩到上台

西湖

明 王禕

波光一碧淨無瑕楊柳芙蓉紫翠加岸岸樓臺圍綺麗

西湖志

卷三十七 藝文七

一

船船歌管載繁華蘇堤北去岳王家葛嶺西來賈相家
富貴功名總如夢孤山歲歲自梅花

分省諸公邀西湖宴集

明 陳基

湖上相逢宴屢開紫薇花下約同來水光釀綠凝歌袖
山色分青入酒杯蛺蝶影隨羅扇動琵琶聲逐畫船回
獨憐英骨埋芳草南拱枝頭蜀鳥哀

寄南屏惠長老

明 張羽

蒲室傳心第一宗老尋古刹寄行踪貫花偈就人爭寫
壞色衣穿自懶縫案上梵經皆貝葉手中談麈是青松

何年惠遠重開社來聽東林寺裏鐘

送勤上人歸靈鷲山

明張紳

靈鷲禪房我所思可憐春晚送勤師亂山啼鳥煙霞裏
一路落花風雨時定有猿看窗外果應知苔護壁間詩
門前有徑通天竺欲向中天採石芝

雪湖八景次瞿宗吉韻

明凌雲翰

鷲嶺雪峰

大地渾無一點瑕光明都屬梵王家兩峰高並疑堆玉
一道中分類剖瓜已爲峒堯知鷲嶺還因凜冽記龍沙

西湖志

卷三 藝文七

二

此時翻憶藍關句誰復能開頃刻花

冷泉雪澗

下有流泉上有松諸山羅列玉芙蓉壚頭又釀誰家酒
屐齒應嫌此處踪汲去煮茶隨甕抱引來剗木入厨供
澗邊亭子無人宿空使猿嘯昨夜峰

斷橋雪棹

山逗晴光玉氣浮我來乘興似王猷橋迷蟠螭高高聳
船壓玻璃細細流雪後未回花外棹雨中曾喚柳陰舟
遙思寂寞春寒夜一舸歸來起白鷗

蘇堤雪柳

寒梢不耐北風狂何似東風萬縷黃西子畫來螺黛淺
蘇公行處馬蹄香蘭同舊葉堪爲珮藕比新絲可織裳
待得春歸飛絮亂畫船移近柳邊傍

孤山雪梅

凍木晨聞尾畢逋孤山景好勝披圖翠禽巢失應難認
皓鶴籠空不受呼已見萬花開北隴莫教一片落西湖
快晴更待黃昏月疎影隨身不用扶

巢居雪閣

西湖志

卷三十一 藝文七

三

人間蓬島是孤山高閣清虛類廣寒木處恐顛從此穩
僧居疑小較來寬瑤花琪樹綠邊繞玉宇瓊樓向上安
裡外湖光明似鏡有梅花處好憑闌

南屏雪鐘

翠屏化作玉千層樓近鐘疎恍若憑和雪送來清瀝瀝
穿雲透出慢騰騰華鯨謾意秋號月鐵馬渾疑夜響冰
一百八聲纔擊罷雷峰又照塔中燈

西陵雪樵

湖曲風寒戰齒牙不知高樹已翻鴉遠持斤斧黏冰片

旋砍柴薪帶雪花市上得錢沽斗酒擔頭懸笠插山茶
路人試問歸何處笑指西陵是我家

觀潮

明李暉

江上秋風八月潮浪花吹雪過山椒雄吞越徼聲喧雜
高蹴吳天影動搖鐵箭事聞今尚在鷗夷魂遠有誰招
滔滔無限朝宗意夜久魚龍謾寂寥

遊西湖

明王洪

紅蓮白蓮開滿湖小娃唱歌閒且都故人相會能幾日
美酒何妨傾百壺雙拳藏闔握松子三簧調舌鬪鶯雛

西湖志

卷三

藝文七

四

暮歸酩酊白馬上誰識山翁非酒徒

汎舟

明張輿

紅藕花深逸興饒一雙鷓鴣避鳴橈曉風涼入桃花扇
臘酒香分椰子瓢狂客醉歌明月上美人歌斷綠雲消
數聲漁笛知何處疑在西陵第一橋

中秋日湖中

明張輿

風波千頃畫船開吹近芙蓉影裡來倒捲彩霞翻舞袖
斜飛白雨溢行杯總宜園冷花無主蘇小墳空草作堆
爲倩金戈揮落日秋聲莫向樹頭哀

湖上分韻得香字

明張輿

晴麓雲橫萬里長出門步步是春光近湖酒閣多紅杏
隔岸漁家盡綠楊簫鼓聲寒心自醉綺羅魂冷骨猶香
漫游不是矜年少贏得閑情似洛陽

題月夜泛湖詩卷

明虞堪

醉裏誰吹碧玉簫滿湖明月泛蘭橈一時高興都難遇
萬里青冥便欲飄風月龍吟秋嫋嫋星河鷺起夜迢迢
漢槎羸節成何似不及空歌度沔寥

西湖

明虞謙

西湖志

卷三七 藝文七

五

西湖開鑿大唐年夾岸樓臺夕照邊一鏡天開浮碧玉
兩峰雲淨出青蓮雪中杖履尋梅客月下笙歌載酒船
我欲乘風游汗漫不知何處問坡仙

湖上寫懷

明魏驥

推蓬篷底卧看山未信休官有此閑思逼層霄埃壘表
詩成高枕水雲間船頭涼雨疎還密湖面輕鷗去復還
却喜餘年尚強健追歡應不往來慳

湖上餞別送杭庠皮司訓

明鄧林

三年作宦在錢唐曾共湖山醉幾觴今日獨為千里客

何時重上百花航吟邊風月詩名舊望外關山仕路長
貴賤窮通從此別交情珍重莫相忘

題豐樂樓圖

明李進

錢塘城郭古神州勝槩千年尚有樓南浦雲開珠箔曉
西山雨歇畫闌秋玉人歌舞成春夢芳草王孫失舊游
物換星移餘事在酒邊殘墨記風流

同于京兆景瞻汎湖

明馬洪

畫舸秋風湖上來水通天碧靜無埃一雙鸕鶿忽飛下
千朵芙蓉相映開鳥似彩鸞窺寶鏡花如仙子步瑤臺

西湖志

卷三

藝文七

六

風光堪賞還堪賦不作江南庾信哀

吳山春望

明張寧

東風吹雨百花晴獨立鰲頭醉眼明樓閣矗天山擁寺
江湖環地水通城中原故友浮雲散南宋諸陵草蔓平
日暮長歌下山去蘼蕪滿地伴人行

同客過湖

明銜英

山繞重湖寺繞山天留圖畫在人寰路從烏柏林邊轉
船近黃妃塔下灣歲月祇隨華髮改煙波空付白鷗閒
當歌不耐傳觴促獨俯寒沙照醉顏

暮春陪陳太常西湖宴集

明 銜 英

六橋柳色翠迷津
畫舫移遲送酒頻
醉眼不知三月暮
賞心又度一年春
鶯諧急管催歌板
燕蹴輕花墮舞裊
年少莫將行樂悞
座中半是白頭人

秋日湖上

明 銜 英

紅泉碧磴舊追攀
臺榭參差落照間
暝色乍收天外雨
晴光忽動水邊山
清秋積翠雲霞淨
盡日幽芳歲月閒
爛漫尊前隨意足
好乘明月弄潺湲

石田西邨二君招游西山予先行憩冷泉二君至

西湖志

卷三

藝文七

七

予詩適成諸君亦繼作石田仍寫圖留為山中
故事俾予先錄於上

明 銜 英

雨晴林壑淨朝暉
一路看松入翠微
芳草似曾留客卧
黃鸝渾欲近人飛
相逢巖叟收茶早
久別林僧會面稀
重在冷泉亭上坐
賦詩題畫憺忘歸

與吳西疇西湖飲別

明 銜 英

有約來登湖上亭
一天詩思集疎櫺
東風草色鷗邊綠
落日山光鳥外青
紅袖舞來花欲笑
銀鬢倒盡客忘形
抱琴行樂吾儕事
莫待蕭蕭兩鬢星

同陳緝熙泛湖

明 聶大年

宿雨初收見兩峰湖光如練瀉晴空畫船載酒來天上
青鳥銜花度鏡中檀板歌聲無越女翰林詩句有唐風
相逢莫惜留連飲明日誰人拾落紅

自錢唐門抵浙江驛望西湖諸峰 明 姚 綬

不見湖山已七年湖光山色兩依然青鞋自踏芙蓉露
畫槩誰衝翡翠煙目斷蘇堤新柳外僧歸竺國舊峰邊
丁寧春忽堂堂去有待重來醉管絃

早春過西湖 明 姚 綸

西湖志 卷三 藝文七

八

西子湖頭得早春淡煙微雨暗湖濱柳枝尚短不着水
梅蘂未開先可人老境正憐諸事懶風光無柰一番新
晴來且整登山屐遮莫鶯花笑客貧

游西湖次姚桂巖韻 明 懷 悅

偷取紅塵半日閒朝來移席水雲間歌抽象箸敲烏几
醉借蛾眉倚玉山水檻曉煙吹柳色石橋春雨洗苔斑
紅船落日游人散載得光風霽月還

西湖秋泛為費宗裕題 明 銜 泰

湖水涵秋分外清蘭舟蕩漾入空明香消冷瓣紅蕖墜

雪颭晴絲白鷺驚老眼看山聊艤棹小鬟催酒不停筭
勝游豈獨推坡老落日西風無限情

次韻夏大卿寄瑪瑙寺獻上人

明 鎰 泰

高僧占斷西湖勝細草斜連石子坡度嶺剪來藤作杖
翻畦種得菜成窠一龕曉日紅蒸袖四壁秋煙翠染蘿
借問何時應開講洗清塵耳定須過

與客西湖行樂

明 鎰 泰

西湖山水名天下有客乘春作勝遊白騎踏花銀絡腦
青蛾舞雪錦纏頭旛幢影裡高低寺絃管聲中遠近樓

西湖志

卷三 藝文七

九

如此風光莫虛度人生只合老杭州

春日湖上

明 鎰 泰

西子湖頭風日佳春衣初試踏晴沙長堤畫舫依楊柳
小店青旗颭杏花笑裡握鬪藏變化狂邊題句字欹斜
晚來不盡登臨興一路鶯聲送到家

泛湖值雨簡費庭用

明 鎰 泰

濕雲遮斷好峰巒斗酒呼來且盡歡養鴨人家春水滿
落梅天氣午風寒君醒陡覺衣裳薄我醉寧知宇宙寬
閒却銀箏多少曲紅樓船上幾時彈

西湖宴集次費宗裕

明 銜 泰

湧金門外新亭好得共羣賢
盡日娛白藕褪花秋欲近
綠筠交葉暑全無衣浮爽氣
龍收雨鏡破澄光鷺點湖
回首鳳城扶醉入漏聲催晚
急投壺

吳山看雪呈郁士端

明 銜 泰

天人剪水落雲端直上危坡
縱遠觀萬竹無聲銀鳳立
千峰有勢玉龍蟠已將奇事
占薶麥更覺清華入肺肝
誰倚東風吹短笛梅花初放
不禁寒

湖曲行春次沈用賓韻

明 銜 泰

西湖志

卷三

藝文七

十

巾子峰頭葛嶺西盤迴白石
盡無泥鶯吭暖送春聲滑
鷺翅晴翻雪影低紅瘦巖花
飄滿路綠肥湖水受諸溪
大家留取金錢百擬約明朝
酒再攜

張廷芳李若虛二副憲江廷緒僉憲約游西湖左

時翊大叅後至得聯句十首

明 程敏政

東風吹雨下湖船

程

良會今朝豈偶然

江

煙景可人非

為酒

張

春光隨地不論錢

李

數聲啼鳥蘇堤外

左

幾樹

垂陽岳廟前

程

滿眼詩情吟不盡

江

孤山祠下酌三賢

張 以下聯
吟次第同

煙景霏霏入暮春賞春多是宦游人野鳧狎客隨舟遠
江燕穿花送酒頻雅會不須歌舞溷奇觀絕勝畫圖新
六橋過盡重回首久住湖邊我未嗔

十里湖山入望遙可堪野色故人撩樓臺隱現午煙淡
鶯鴨浮沉春水嬌撫景無詩憐我拙追歡有樂是誰招
東風更有重來日莫待濃陰翳斷橋

來往游人不避舟鏡天空闊雨初收桃花向我如相笑
竹葉浮君可自由山外有山深見寺客邊逢客一登樓
唱酬遮莫歸鴉盡三竺峰前更小留

西湖志

卷七

藝文七

十一

公家事了獨來遲一笑相尋未有期湖上風光春最好
雨中詩景晚猶奇隣舟愛客供鮮鯽古寺尋僧問紫芝
多謝故人頻向我可堪明日又分岐

山當佳處有船扉喚酒催詩思欲飛狼藉醉中長短句
闌珊春後裊綿衣忘機鷗鷺隨冠蓋浪跡鷓鴣負蕨薇
後會無涯情未已眼中誰道故人稀

西湖春水暖溶溶美景佳賓豈易逢遊到南屏船駐久
坐忘東道酒行重高城迢遞煙鐘晚遠浦參差雨樹濃
劇飲不須脩禊事會稽何地覓遺蹤

主客同舟西復東花邊煙雨柳邊風謫仙先我詩層出
襍飲憑誰酒易空青雀渡頭春樹暗白鷗沙外晚潮通
相看此地情無極弔古還尋放鶴翁

湖上風煙三月三湖中新水遠拖藍風流再續蘭亭後
文物誰當北斗南林外易驚人語亂花間春共客情酣
乘時張弛非沈醉紀勝無才却自慙

維舟重憇藕花居湖水湖山故惱予紗帽不妨風外側
塵襟都向雨中舒滿天暝色催詩急繞座春風入醉餘
遊倦莫愁歸路遠湧金門外有輕輿

西湖志

卷三

藝文七

十一

湖上待留邦彥不至

明程敏政

當時曾覓卧遊篇今日重來更惘然綠芰曉風頻喚酒
白鷗新水漫停船誰能向子封佳社獨可尋僧結淨緣
明發又從嚴瀨去潮聲空落暮江邊

胡文恭僉憲邀遊西湖次張天錫湖船韻

明程敏政

湖上來尋一日歡春風消日旅懷寬玉壺載酒隨山住
銀甲彈箏隔水看花雨上瞻三竺遠松雲高拂兩峰寒
忘情潦倒沙鷗睡相好平生幾豸冠

雪晴同邦彥游西湖

明文林

雪後孤山共探梅便乘清興不須催林邊細路和橋斷
湖上疎花傍竹開雲影分明披絮帽蹄涔彷彿散銀盃
酒寬新量詩盈卷不負凌寒一度來

西湖

明趙寬

十里湖光一鏡開玉壺天地小蓬萊丹青難寫鶯花景
山水真成錦繡堆遠客正逢高宴啓勝游剛及暮春來
蘇堤岳墓經行過更醉馮園鴨綠杯

西湖用史明古韻

明沈周

西湖志

卷三

藝文七

三

水色天光照總宜紅樓綠幙鏡中移游因湖使人忘妙
趣在山多酒放遲問柳漫尋前代跡看花重省少年時
月明更有餘情在慢把新詞譜竹枝

觀西湖百咏集感舊有作

明沈周

白髮攤書似夢驚某邱某水認題名袖中東海言非大
紙上西湖眼更明少覺舊游渾記得老關佳處尚思行
青鞋布鞵猶鮮健祇待花時計便成

題冷泉亭圖

明沈周

入林堯子送斜暉酒面風情色漸微白髮再來渾覺老

青山久住不重飛老僧古寺相逢熟故國遺踪欲見稀
千箇長松卧房近吹燈還照鶴羣歸

寓雲居得張龍湖相公書

明施峻

精舍岩堯隔翠微我來便覺世情違疎燈照雨簷花落
短鬢臨風木葉稀白雁虛疑千里信青山容得幾人歸
詩成正在鐘鳴後獨立空庭攬舊衣

湖上

明薛章憲

一別西湖動隔年重來更上郭門船丹山碧樹供吟眺
綠浪紅蕖兀醉眠已與畸人同脫略且從漁父共延緣

西湖志

卷三

藝文七

十四

漸營水竹移家住擬學王維結輞川

雪後泛湖和周子賢

明顧璘

西郭羣峰積雪寒畫船湖上倚蓬看樓臺隱見青松色
蘆荻蕭條白鴈灘沉醉放歌新歲始陽春和曲古來難
期君盡訪山中寺細草微風石路乾

和許隱君游西湖

明顧璘

千峰萬壑斷飛埃百頃湖光演漾開大塊丹青隨意得
炎天冰雪傍舟來不禁楊柳牽衣袂况復荷花近酒杯
曾是宋時游賞地彩雲猶護舊歌臺

湖寺觀雨

明顧璘

濕雲吹墨濺湖波急雨翻盆落澗阿江郭衆山當面失
寺門孤樹柰風何浮生白髮餘高興暇日清尊且浩歌
蓑笠醉歸還自笑晴天曾得幾回過

中秋偕客西湖玩月

明陳霆

早熟菱荷已半收湖光初轉月光浮水風吹面不知醉
山翠濕衣如覺秋驚鵲可堪如逐客跳魚時見入虛舟
夜闌更整蒼龍珮直欲凌風海外游

秋夜泛湖

明孫一元

西湖志 卷七 藝文七 五
一望晴煙破冥幽湖天灩灩月初浮旋攜斗酒呼隣父
小有盤蔬上釣舟笛咽水龍中夜冷杯搖河影萬山秋
人間回首愁何事欲覽清光最上頭

西湖秋暮

明鍾薇

木蘭載酒送殘秋放鶴亭西路轉幽黃菊一堤金作埒
丹楓千樹錦成丘山將暮色藏孤寺波帶晴光上別樓
客去客來無盡興谿山不改舊風流

遊西湖諸山

明陸孟昭

山寺迢迢湖水東樓臺高出翠微中自慚投社非陶令

却羨能詩有遠公花氣暖浮千嶂雨松聲涼灑一闌風
穿林恠底多麋鹿十里平波碧草豐

寄孫太白湖上

明 鄭善夫

爲問山人孫太初交情歲晚莫教疎孤山梅萼春相惱
滿地松苓手自鋤江夏肯容禰處士茂陵初卧馬相如
知君不廢茗溪約書帛能無寄鯉魚

西湖泛月

明 黃卿

畫舸清樽夜不牽空明流彩興飄然星光山影平鋪底
菱渚荷波冷浸煙地接廣寒疑尺五人傳聞苑隔三千
西湖志

卷三七 藝文七

六

六橋曲岸沿洄徧魚屋猶聞較酒錢

西湖

明 張傑

誰爲鴻濛鑿此陂湧金門外即瑤池平沙水月三千頃
畫舫笙歌十二時今古有詩誰絕唱乾坤無地可爭奇
溶溶漾漾年年綠銷盡黃金總不知

昭慶寺看芍藥

明 王渙

一半春光過牡丹又開芍藥遍禪關久辜往約違蓮社
今續清歡到寶闌垂露幾團花面濕東風一陣燕泥寒
酒邊何味呈奇供綠筍朱櫻正滿盤

西湖舟中二首

明 王瀛

東風引興事幽闌淑景剛逢三月三雨後好山凝曉翠
鷗邊新水漲春藍荇絲牽浪舟偏滑花氣熏人酒易酣
忽意善游修禊處蘭亭髣髴在湖南

春霽湖頭放畫船一篙撐破鏡中天載來歌舞人如玉
引出湖山酒似泉花柳六橋迴錦繡樓臺三竺入雲煙
自慚垂老忘機客也逐風流溷少年

三月三日西湖泛舟

明 徐階

出郭尋芳嗟已遲惜春聊趁賞春期輕寒綵鷁朱簾捲

西湖志

卷三七

藝文七

七

過雨紅粧錦瑟移柳暗忽開天竺路花深不辨六橋堤
明朝祇合扶殘醉重上飛來欵淨慈

湖上

明 潘恩

西湖如練風日清西山屏障更分明上方金碧自相映
下界鼓鐘時一鳴桃柳青溪張席罷菰蒲白水放舟行
此時正切東南想恠爾浮雲空北征

游西湖

明 姚廷輔

何處能消白晝閒西湖佳景畫圖間尊前醉客不在酒
眼底可人惟是山十里香風花藹藹六橋春色草斑斑

雷峰塔畔詩成後載得笙歌薄暮還

西湖漫興

明 田汝成

蘇堤如帶束湖心羅綺新粧照碧潯翠幙淺褰憐草色
華筵小簇占花陰凌波人度纖纖玉促柱箏翻疊疊金
月出笙歌斂城市珠樓縹緲綵雲深

湖上觀雨

明 袁 衷

湖氣昏昏雨欲來山嵐如障蔽樓臺瑣窗白晝霾陰霧
巖壑清秋起暴雷落雁漸稀漁網集歸鴉遙帶客帆迴
書空終日知何益且復陶然進一杯

西湖志

卷三

藝文七

大

湖上

明 孫 陞

湖曲攜尊坐翠微山芳冉冉襲人衣春來水漲桃花發
社後風和燕子飛一艇斜維垂柳岸羣鷗閒傍釣魚磯
故鄉好景不知玩何用天涯每憶歸

泛舟西湖尋天竺寺

明 莫如忠

方外招攜亦勝緣晴川風日艤樓船折來秋色皆成供
聽去泉聲總是禪九里栽松行磴道六橋鳴榜下潭煙
淵明錯訝東林社逢着僧牀欲醉眠

西湖

明 胡應麟

繽紛桃李盡成蹊
夾岸垂楊送馬蹄
遠水落霞蕭寺外
孤峰殘照斷橋西
闌干半倚青林出
睥睨遙看碧樹齊
小扇輕羅歌未闋
樓船已到百花堤

西湖卽事二首

明 張元凱

十里長堤柳色新
六橋凝碧水粼粼
桃花似妬青樓女
楊柳如思白舍人
鶯語風前猶自澀
山容雨後尚含顰
武陵舊日通來往
不向漁郎數問津

錢唐蘇小茜羅衣
短棹穿花過釣磯
杜宇聲中怨離別
夢兒亭下惜芳菲
微風吹藻鱗鱗浪
落日含山樹樹暉

西湖志

卷三

藝文七

九

最是碧雲隨處合
美人乘興夜忘歸

午日汎湖

明 萬表

端陽重載西湖酒
山色依然似去年
堤上兩行桃柳密
湖邊一望苑臺連
競將歌管娛佳節
自折菖蒲插野筵
病質強支同此醉
不勝歸思夕陽前

訪李岫嶁山人於靈隱寺

明 徐渭

岫嶁詩客學全真
半日深山說鬼神
送到澗聲無響處
歸來明月滿前津
七年火宅三車客
十里荷花兩槩人
夾岸鷗鳧渾似昨
就中應有舊相親

李舍人孤山草堂坐雨

明 王穉登

筍輿行過斷橋來樓上銀罌水上開白鳥數行猶似鶴
青山五月已無梅雨昏不辨絲千縷湖淥渌渾疑酒一杯
幾欲題詩題未得舍人原是謫仙才

林純卿卜居西湖

明 王穉登

藏書湖上屋三間松映軒窗竹映關引鶴過橋看雪去
送僧歸寺帶雲還輕紅荔子家千里疎影梅花水一灣
和靖高風今已遠後人猶得住孤山

湖上送梁昌孺北上

明 周汝登

西湖志

卷三十一 藝文七

三

湖中話別水初深短棹夷猶過竹林遠樹孤亭千古色
清歌細語一時心蘇公堤上行還住陸相祠前酒更斟
竟日留連情不盡看山還待月華臨

湖樓雨集

明 陸懋龍

不量晴雨便稱卮雨過樓頭別一姿畫壁雲香從座起
筠簾風影逐波移歌殘燭炮春衣怯語雜觴條夜漏遲
帶濕管簫疑半咽城烏啼上隔牆枝

湖上觀漁燈

明 湯煥

晚晴湖上翠煙生歷歷漁燈隔岸明風靜浪花搖倒景

夜深河漢帶高城
驪龍出水光先射
白鳥眠沙夢不驚
翻笑遠公投糖餌
年來空有釣鰲名

西湖

明 田藝蘅

游遍天涯有此無
秋來風味獨西湖
紫螯佐酒尖臍蟹
紅膾飛刀巨口鱸
楊柳參差迷院落
笑歌迢遞出菰蒲
醉中記得孤山曲
曾有佳人解佩珠

春日西湖即事

明 鄭 琰

蘇小門前柳帶煙
煖沙晴日水如天
杏糜供作宜春酒
榆莢分爲買笑錢
垂柳綠遮騎馬路
落花紅襯釣魚船

西湖志

卷三

藝文七

三

杜鵑不解游人意
催盡韶光又一年

西湖春日戲贈潘景升

明 柳應芳

武林門外正春華
十里空湖帶淺沙
夾岸樓臺千佛地
隔城簫鼓萬人家
青絲游騎乘朝日
紅粉回舟映晚霞
莫訝劉郎歸未得
六橋芳樹半桃花

西湖尋曹能始

明 何 璧

垂陽漠漠苻田田
何處春風十四弦
放鶴僧歸天竺雨
聽鶯人過六橋煙
詩尋蘿薜誰邊寺
酒載桃花第幾船
游子天涯覓易斷
非關春樹有啼鵑

宿南屏東城中朋舊

明程嘉燧

南屏雲木晚蒼蒼
潦倒交情未可忘
藥裏春攜停楚檝
山經秋寫屬吳裝
寒燈正是風驅葉
輕篋斜題雨漏牀
林月池塘廿年地
肯來隨意宿僧房

登北高峰宿絕頂僧舍

明程嘉燧

雙峰徑轉石林蒼
攜客捫蘿宿上方
澗飲斷虹明積翠
湖飛片雨亂斜陽
東來島嶼吞江郭
西去山雲指故鄉
夜久禪心同寂歷
松風諸嶺一何長

西湖

明吳鼎芳

西湖志

卷三七

藝文七

三

嫋嫋東風蝶試衣
綿絲芳草燕爭飛
堤邊楊柳青絲騎
水上桃花白板扉
三竺片雲雙樹隔
六橋殘雨一僧歸
年年最好春陽月
無那鐘聲送夕暉

西湖

明葛一龍

黛寫殘山帶郭遙
鏡浮新水不通潮
堤邊緹馬客投寺
花裡唱歌船過橋
遊客年年題彩筆
春風處處長蘭苕
湖心亭子湖心月
醉與何人度此宵

湖莊曉卧

明温璜

溪頭唱罷響黃驪
一宿蘧廬儘自怡
約略掃除安郭泰

漫勞種竹借微之曉鐘曲徑吹來折清唄高山颺下遲
何處游人又搥鼓松風遙引客窗詩

作不繫園

明汪汝謙

年來寄跡在湖山野衲名流日往還絃管有時頻共載
春風何處不開顏情癡半向花前醉懶癖應知悟後閒
種種塵緣都謝却老耽一舸水雲間

不繫園成二首

明汪汝謙

湖光二月漾晴暉輕舫新成傍釣磯有水有山情不繫
非園非圃澹忘歸娟娟夜月橫琴榻采采朝雲出舞衣

西湖志

卷三

藝文七

三

長笛一聲如裂石滿灘鷗鷺莫驚飛

碧紗流影敞玲瓏疑是珠光弄鏡中棹撥春波還帶藻
幔垂朝日轉憐風但看一葉低青雀不碍雙橋落彩虹
到處吾園無住著歌聲只在水西東

隨喜菴成

明汪汝謙

構得園來又結菴總成泛梗意偏耽若無客訪河邊繫
定有僧過水上談柳拂輕煙籠曲檻山含淺黛出層嵐
從今嬾逐笙歌隊一箇蒲團處處堪

題不繫園二首

明張維

愛爾園將不繫名所如煙水一葦輕時看几席消空黛
忽聽笙歌起杜蘅鷗夢偶驚林月白花陰初泊晚涼生
難描西子湖中景應笑經年句未成

過雨青山山氣澄菰蘆住處客爭憑飛觴霞泛柳千樹
度曲聲流雲幾層林放幽香停遠騎寺深黃葉指歸僧
春風二月繁桃李何必漁郎到武陵

湖上秋興

明釋傳如

晴峰秋翠映芙蓉茆屋思歸路幾重高樹猶然來倦鳥
寒花不復惹遊蜂田衣已破裁雲補山粟旋收帶月春

西湖志

卷三 藝文七

七

霜冷曉鐘聲漸遠數敲驚起碧潭龍

西湖泛舟有懷隱鱗居士

明釋圓復

西湖湖水碧氤氳曉泛蓮舟到夕曛山翠濕衣竟是雨
溪煙拂樹亂成雲波濤溷世應憐我邱壑藏名祇憶君
綠遍蘼蕪春欲盡隔江消息未曾聞

西湖

明釋法聚

大堤迴接鳳山遙金勒東風細馬驕芳草不知埋帝鳥
柳枝猶是學宮腰天空水月三千頃春老鶯花十二橋
聞說樓船醉年少平章獨免紫宸朝

曉過西湖

明 釋梵琦

船上見月如可呼愛之且復留斯須青山倒影水連郭
白藕作花香滿湖仙林寺遠鐘已動靈隱塔高燈欲無
西風吹人不得寐坐聽魚蟹翻菰蒲

夢裏湖山爲孫懷玉作

明 釋天祥

杭城一別已多年夢裡湖山尚宛然三竺樓臺晴似畫
六橋楊柳晚如煙青雲鶴下梅邊墓白髮僧談石上緣
殘睡驚來倍惆悵可堪身世老南滇

國朝

西湖志

卷三 藝文七

五

西湖雜感二首

錢謙益

方袍蕭灑角巾偏纔上紅樓又畫船脩竹嬋娟調
鶴地春風蘊藉養花天蝶過柳苑迎丹粉鶯坐桃
溪候管絃不是承平好時節湖山容易着神仙
西泠雲樹六橋東月姊曾聞下碧空楊柳長條人
綽約桃花得氣句玲瓏筆牀硯匣芳華裏翠袖香
車麗日中今日一燈方丈室散花長侍淨名翁

留題湖舫二首

舫名不繫園

錢謙益

園以舟爲世所稀舟名不繫了無依諸天宮殿隨

身是大地煙波瞥眼非淨掃波心邀月駕平鋪水
面展雲衣主人欲悟虛舟理只在紅粧與翠微
湖上堤邊樣棹時菱花鏡裏去遲遲分將小艇迎
桃葉徧採新歌譜竹枝楊柳風流煙草在杜鵑春
恨夕陽知憑闌莫漫多回首水色山光看總宜

送丁飛濤弋雲之湖上

吳偉業

把君詩句過扁舟置酒離亭感舊游三竺雲深勞
想像六橋鶯老亦風流湖山逸氣歸詞苑兄弟文
章入選樓爲道故人憑問訊藕花菱葉幾經秋

西湖志

卷三

藝文七

三

西湖憶舊

張遂辰

西湖終古水粼粼往事風流跡已湮酒散樓臺空
浸月雨餘花柳冷禁春又看歲換銷金粉不待烏
啼減畫輪數點煙中舊燈火令人長憶舊游人

湖上望春

張遂辰

西湖向曉渡爭喧杜若靡蕪香漸繁墻出鞦韆近
寒食人攜絲管訪名園家家花樹渾相惱日日春
心不可言自是太平多宴豫傾城車馬在郊原
花下樊致翁邑侯招同黃貞父秦冰玉湖讌

張遂辰

昨來風動珮珊珊二月西泠夾道間
花外舟移春水岸酒邊樓滿夕陽山
地遺佳麗游心古人際昇平樂事閑
莫訝夜烏啼上堞使君燈火未曾還
自雲棲歸復游楊梅塢石筍峰諸勝

孫霖

春衫渾帶白雲回又向禪棲深處來
可愛筍峰真似筍那知梅塢竟無梅
一聲野鳥啼還歇幾點山花落更開
乘興已忘途遠近夕陽影裏暮鐘催

西湖志

卷七

藝文七

七

西湖二首

稽宗孟

天目崢嶸萬仞青龍飛鳳舞下西泠
六橋煙柳藏春塢三竺雲山列畫屏
花滿僧樓人度曲月明漁港夜揚舲
白蘇自是神仙吏千古風流在此亭
天洗鴻濛蕩素波羣峰鵠立擁青螺
夕陽簫鼓煙霞寺春雨牛羊瑪瑙坡
風雅最宜修禊酒詩狂愛聽接羅歌
也知此水吾師友一月須教十數過

西溪題友人居

關鍵

數曲清池負草堂木橋斜度見斜陽
野漁急艇求

鰕菜花市閒門鬪羽觴終日道書松館靜一牀丹
訣荔陰涼城門散髮知何地空對巢居羨潁陽

雨中憇吳山道院

周茂源

石壇高館鬱崢嶸香霧微茫卷翠旌玉女窗涵山
雨潤仙人樓瞰海潮平瑤笙白鶴空中舉錦樹繁
花坐外明夜向朝元探寶籙雙珂儼作步虛聲

紫陽山丁野鶴亭

王修玉

草閣平臨古澗寬流泉疎竹繞齋壇人歸化鶴長
遺世客到題詩獨倚欄紫蔓看花秋色老蒼松落

西湖志

卷三

藝文七

三

子雨聲寒尋真更向峰頭去洞裏仙人碧玉冠

題天竺定上人山居

張競光

屏迹春山枕翠微竹房寂歷偃荆扉六塵縹緲黃
雲靜三徑陰森白日稀天竺先生懷古處南宗高
士蘊清機濃花碧草垂垂發檻外流泉百道飛

小集湖舫因上放生池晚步

陸世楷

畫舫清樽午夏宜晚涼薄醉步南池客來僻地笙
歌少僧返斜陽鐘磬遲開府勲名垂弈代禪林建
置異前時悠然在藻無驚餌却喜微風動碧漪

中秋湖上讌集

嚴我斯

風日湖干好放船
况逢佳節此流連
寺邊叢桂香無數
雲裡雙峰晚更妍
賦月謝莊秋興遠
觀濤枚乘彩毫鮮
憑闌不盡登臨意
共道清輝勝往年

西湖

朱昆田

水仙祠宇没平蕪
寶所山圍異給孤
白塔亂堆歌舞地
青山舊繞帝王都
好風昨日又今日
新漲外湖連裏湖
安得六橋重插柳
飛花徧撲酒家壚

吳嘉枚

西湖志

卷三十一 藝文七

七

明聖湖邊我舊游
重來堪喜復堪愁
溪山不改今非昨
霜鬢頻添春復秋
一路丹楓橫遠黛
幾家煙火度危樓
與君共醉林逋月
折得梅枝當酒籌

沈石田冷泉圖真蹟在余家二十年矣躑躅軟紅
言歸未遂對此恍置身故山林壑間不覺神往

因和鎰汝二君韻二首

龔翔麟

曾倚孤亭送落暉
雲林風景記依稀
泉聲咽石奔難住
嵐氣侵衣濕不飛
歲月漸增塵跡老
鄉山久別夢游稀
吟詩看畫生惆悵
白髮盈頭猶未歸

扁舟自別錦軍城日日銅街信馬行
畫裏青山逢舊識眼前烏帽笑浮名
秋風縱爽尊魚約煙水終尋鷗鷺盟
記取歸時攜卷軸先來亭上聽泉聲

自山陰歸杭州將有豫章之行重泛西湖留別四首

周起渭

熟梅雨足漲晴波柔櫓聲來碎芡荷
出浴峰巒當鏡好起眠楊柳受風多
青山處處供詩酒別眼昏昏醉綺羅
暈碧裁紅心力減自慚無柰晚煙何
連日船窗風雨聲雷峰一見眼光明
花當橋畔偏

西湖志

卷三

藝文七

三

勾蝶柳入堤邊最佳鶯萬頃波濤沉
碧巘羣峰翠靄沒層城晴雲暖日湖光
好不礙林間宿霧橫繚白縈青簇化工
探金碎碧點空濛明朝一別芡荷雨世上
應無楊柳風草綠裙腰波染翠山銜日
脚樹爭紅再來坡白腸堪斷黑髮他年
兩鬢蓬煙光林際捲樓臺粉汗橋邊浸
綠苔芳草只能教蝶舞嬌花不解背人
開吳姬好共湖光住詞客還隨春水來
莫笑情痴桑下戀世間何處有蓬萊

西湖

沈季友

看盡西湖湖上峰峰峰寒翠似芙蓉花迷帝子宮
中路煙落空王座下鐘白葛風流椰葉小紅闌艇
子藕香濃青驄油壁頻來去何處相逢九里松

西湖即事

沈季友

一葉輕航載酒過環湖亂點岫如螺煙寒碧柳斜
依岼露濕紅渠淺拂波臨寺偶邀狂客賦隔舷初
聽麗人歌沿洄不盡尋秋意十里蒼茫落照多

西溪訪藍氏山莊

汪鳴瑞

一篙渦水停船問彷彿橫山舊草堂沙軟却宜扶
屐過邨深時送焙茶香梅花泉近休穿井鳳觜峰
青半入墻祗待秫田營十畝也移家具住南漳

西湖志

卷三

藝文七

三

癸巳暮春重游西湖留別二首

王式丹

日傍山椒溯水涯芒屨幾兩踏煙霞大招岳墓兼
于墓小憇林家與葛家高嶺雙尖蟠老木平湖四
角長新葭盪胸自要尋邱壑弔古懷人一倍加
層巖岸萼俯清流騁目登臨占上頭近郭煙橫不
斷樹隔江山入最高樓窗搖竹色精廬迴門聽潮
聲古剎幽坐對竒峰忽忘返欲移家具住杭州

詩 七言排律

寄題虎跑寺無已求上人滴翠軒明高得暘

千古大慈清淨境一軒小立碧峰坳
遠煩好事輸材木試與安禪蓋把茅
坐席不施閑玩具行囊且解遠遊包
襟懷冰雪欣蕭灑踪跡塵埃耻混淆
雲巘晴嵐供帳設風林爽籟鼓絃匏
澗阿恠樹龍新抉石罅靈泉虎舊跑
空翠濛濛如墜露湧珠汨汨遽成泡
染衣秋色何曾著過眼春華不待拋
東向松枝時復顧西來貝葉日頻鈔
此郎乃向僧中見老我方爲客裡交
夙世有香曾結願

西湖志

卷三

藝文七

三

長年無信恐貽嘲舊遊門逕須重訪
拄杖非因看竹敲

國朝

遊白沙泉因至無門洞同茂三次寅

吳農祥

湖背清泉嶺路遙白沙泉湧異昏朝
朝時似乳還成霧昏後流膏亦帶潮
丹液琮琤聞外靜紫華璀璨望中消
轆轤爭罷天河轉笭箬攜遲地軸搖
榆柳漫山圍古樹芝蘭匝徑產靈苗
飲餘多覺形骸換汲盡真憐肺腑焦
野甃魚鱗翻石壁舊祠鷗尾

插雲霄滴成星渚驚澎湃散入溪田愛寂寥午過
狂吹風片大晴空忽作雨絲飄衣襟濺處珠林破
杖屨探時玉葉凋暗竇久無烏鵲集澄潭應有鬼
神朝便宜卜築巖阿裏同品龍湫記斗杓

詩 五言絕句

湖上夜飲

唐 白居易

郭外迎人月湖邊醒酒風誰留使君飲紅燭在舟中
人日出遊湖上

宋 楊萬里

放閘冷泉亭抽動一天碧平地跳雪山晴空下霹靂

西湖志

卷三

藝文七

三

去時數點雨歸時數片雪雨雪兩不多山路雙清絕
舊臘緣多雪新年未有梅殷勤下天竺隔水兩株開

西湖小景

元 程鉅夫

一片含情水笙歌日日春至今圖畫裏輸與眼明人

湖上感事漫成四絕奉寄玉山

元 楊維禎

湖水碧於天湖雲薄似煙鴛鴦不驚亂飛過岳墳前
湖水明於鏡湖泥濁似涇祗應萋血在染得水華清
海嶠浮西日關梁轉北風蘇郎書未返愁絕鴈來紅
將石星空墮靈山鳳不飛惟餘壩頭水西去復東歸

湖上

明宋濂

為愛湖光好一步一長吟黃鶯見人至飛起度湖陰

晚渡西湖

明王叔承

西湖宜晚渡趁得采蓮船越女驕吳客褰衣再索錢

題何使君西湖泛舟卷

明陳獻章

潮勢傾滄海江聲下富春西湖剛十里偏耐醉遊人

湖上漫興

明洪鐘

斷岸高低樹孤亭遠近山木蘭舟上酒春到野人間
沙鳥弄晴波茅堂轉綠蘿主賓甘冷淡邨酒對漁歌

西湖志

卷三

藝文七

三

香度綺羅風山明水態空趁還康樂屐拋却鮑家驄
對此芙蕖花偶坐涼風榭不羨紫薇天醒人稱僕射

西湖曲

明李東陽

湖波綠如剪美人照青眼一夜愁正深春風為吹淺
不信湖中好儂身別有家翻愁歲華盡不敢採蓮花
風落平沙稻霜垂別渚蓮西湖三百畝強半富兒田
草碧明沙際花紅試雨初官船盪素漿驚散一雙魚
莫唱西湖曲湖邊歌舞稀儂家年少日遊冶誤芳菲

西湖艷歌

明朱應鐘

湖北復湖東湖水綠於髮湖上諸女兒踏青二三月
郎從湖口來停船目相逐不看芙蓉花看着儂手摘

和陳伯孺西湖十詠二首

明 柳應芳

偶向武林遊曾於天竺住明日欲離山晴霞故變雨
夜半高峰望微茫海日光下方未覺曉應是蔽扶桑

西湖子夜歌

明 吳 兆

湖女二三月相將戲水涯新堤看楊柳舊堤看桃花
新着杏紅衫試騎赭白馬馬驕堤路窄急爲扶儂下
三橋當路半正好與郎期湖水原無侶郎來那有期

西湖志

卷三十七 藝文七

三

南峰望北峰如歡又如儂何當雲霧合兩峰作一重
渡頭人眼衆船開不敢要慣知儂泊處不過西泠橋
外湖歌折柳裏湖歌采蓮聞聲不相及意緒風中傳
西陵花深處舊是情人路湖船不出湖願歡尋故步
梅寄孤山梅柳折斷橋柳兩地本無情郎心那得久

湖上晚春

明 釋守璋

草深煙景重林密夕陽微不雨花猶落無風絮自飛

詩 六言絕句

次韻聞復西湖夏日

宋 釋道潛

山水初無今古人間自有沉浮試問行歌野老桑麻用
事何憂

老葑年來席捲吳儂舊恨彌伸昨夜馮夷鼓吹遨嬉抵
徹諸鄰

夜深一碧萬頃彷彿明河接天岸曲風篔成韻絕勝細
筦危絃

西湖清淺可泛湍險豈類瞿塘隨處菰蒲蓮芡櫛風沐
雨尤香

南窗寄傲一榻午帳風來卷舒懶躡子雲陳迹解嘲更
西湖志

卷三

藝文七

三

續成書

燒空火雲萬丈氣焰信可流金嗟爾龜魚得計適然遊
泳滋深

櫟社侵堦美蔭鳴蟬光質初涼薰風正被草木莫作秋
聲感傷

柱礎爭流餘潤油雲懶改山容定有盲風恠雨曉來已
聽鼉龍

湖光宛同玉鏡隄柳悶若房櫳六月行人過此未輸仙
客壺中

河漢斗杓橫七重城漏鼓傳三露鶴一聲何許戛然振
響空巖

次韻聞復湖上秋日

宋釋道潛

澤畔薰葭蕭瑟露華落日珠浮撫事少陵多感萬端獨
立懷憂

禪餘偶登絕巘據石聊爲欠伸眼界漫分畦畛誰知大
道無鄰

楚客當年何苦愁懷繚轉非舒賴有管城公子離騷萬
恨能書

西湖志

卷三

藝文七

三

西湖發揮有素最盛惟誇樂天遺愛到今不朽長堤一
道如弦

處士尚餘陳迹斷碑橫卧林塘婉約梅花秀句騷人萬
古傳香

草蔓行將漬鞮菊英稍稍敷金南浦愁窺去燕海山莽
蒼雲深

江城秋至幾日風物斗覺淒涼鄰女機絲何有夜聞促
織悲傷

人物年來裴謝背繩追曲周容嗟爾得時蠃蜒故能嘲

晒魚龍

良月娟娟清媚舒光巧入簾櫳萬籟聲同絲竹細窺一
一空中

可恠狙公巧黠猶迷暮四朝三老我身如枯槁兀然不
動幽巖

題孤山放鶴圖

元 趙孟頫

西湖清且漣漪扁舟時蕩晴暉處處青山獨往翩翩白
鶴迎歸

昔年曾到孤山蒼藤古木高寒想見先生風致畫圖留

西湖志

卷三 藝文七

三

與人間

湖上春日遣興

元 馬臻

夢覺笙歌聲裏人老湖山畫中花意欲回夜雨詩情不
讓東風

早春湖上

元 張憲

玉驄草軟平田油幙風輕畫船燕子釵頭春勝梨花院
裡鞦韆

湖上二首

元 張憲

綠蓋遮籠菡萏碧欄搖蕩鴛鴦罨畫船中鼓板銷金鍋

裏時光

紅杏墻頭粉蝶綠楊窗外黃鸝何處春光最好踏青人在蘇堤

湖上

明張文宿

堤上蘇公楊柳水中王令桃花細雨斜風漁艇小橋流水人家

湖上

明豐坊

伍相祠前過雨蘇公堤上斜陽勝景朝朝車馬高樓夜夜笙簧

西湖志

卷三七 藝文七

三

西湖雜興

明王叔承

看花須近寒食看潮待過中秋二月十五花信八月十八潮頭

沽酒林逋宅畔折花蘇小墳邊蓮葉權開明月竹枝歌

斷蒼煙

元圃樓臺近水醉鄉日月宜秋萬里鳧舟鷓鴣權千重貝闕龍湫

西湖

明屠中孚

三竿紅日花市一片清帘酒家水闊吳儂暮艇風和越

女春紗

片石不妨久坐谿雲卧看飛還風遞花香隔塢時聽茶
歌滿山

柳畔不聞鶯語沙頭遠見鷗波明日桃花有約陰晴未
審如何

南岫沉沉暝色遠寺微微梵音歸去敲門月下行來路
僻林深

國朝

西湖

張綱孫

西湖志

卷三

藝文七

四

偶來西子湖畔高樓落日依依花間歌吹已歇柳
外沙禽數飛

顧十一孝廉

嗣立

載酒寓樓遂同夜泛三首

朱彝尊

近郭新晴穀雨故人載酒僧樓商略今宵月色一
艘小舫中流

白鷺鷺拳一足綠楊柳散千條誰唱嚶嚶月子赤
欄干第四橋

蘇學士堤芳草水仙王廟寒泉正好當頭明月莫

緣半醉迴船

西湖志

卷三十七 藝文七

單

西湖志卷之三十七